



SMC minta penduduk SibU bekerjasama dengan pembanci

SIBU, 23 Sept -- Majlis Perbandaran SibU (SMC) meminta orang ramai memberikan kerjasama kepada pembanci Jabatan Perangkaan Malaysia, memandangkan bancian yang dibuat cukup mudah, tidak dilakukan di dalam rumah masing-masing.

Pengerusi SMC Clarence Ting Ing Horgh berkata ia merupakan salah satu langkah yang dilaksanakan untuk mengurangkan risiko penularan COVID-19 dalam kalangan penduduk di sini.

“Temu ramah banci tidak perlu dilakukan di dalam rumah. Memadailah dilakukan di pintu pagar. Pembanci akan mengeluarkan Surat Lawatan Semula dan menetapkan tarikh lawatan sekiranya penghuni tiada di rumah ketika lawatan,” katanya dalam satu kenyataan di laman Facebooknya hari ini.

Katanya SMC memahami kebimbangan penduduk mengenai kesahihan pembanci yang datang ke rumah dan mereka boleh menghubungi Jabatan Perangkaan Cawangan SibU dengan menelefon 084-333690 untuk mengesahkan pembanci yang datang.

“Data yang diperolehi daripada orang ramai adalah sulit dan digunakan kerajaan bagi merancang pembangunan dan menaik taraf kehidupan rakyat di negara ini. SMC berharap kerjasama orang ramai dalam melaksanakan banci itu yang bermula 17 Ogos lepas sehingga 31 Okt nanti dapat berjalan lancar,” katanya.

<https://www.bernama.com/bm/am/news.php?id=2006440>